

SHWBIZ KLIP

BON DIA



Esaki t'e siman

Academy Brass "The Reunion 2009" ta diabierna awo den Mardigras Street Party

Esaki t'e siman pa cual ta reina un entusiasmo enorme pa por mira "Academy Brass" bek den accion manera cu nan tabata 15 aña pasa, e reunion pa bolbe tuma nan instrumento y prepara nan exitoso repertorio cu nan a bira asina popular di dje.

Tur esaki ta diabierna awo 30 januari hunto cu diferente banda invita cu dos diferente escenario plus atraccion nan musical den e night clubnan mes. Ya for di basta dia caba Academy Brass ta ensayando na CB Dakota p'asina pasa riba na repertorio cu porcierto diebierna ultimo nan a keda cla cune y for di awe e ensayonan ta inicia intensivamente p'asina caba di 'bland' henter e show cu lo tin cosnan cu nunca bo a mira y sinti.

E anochi aki lo ta un recuerdo, un anochi pa inmortalisa di con nan a wordo yama "The King of Kings" combina cu ritmo, alegria, animacion y coreografia pa loke semper e brass band a wordo reconoci riba caya y den nan presentacion....

Pa cada un di e casi 40 integrantenan aki di Academy Brass, esaki ta un reto personal pa ascepta esaki un brassband, e ritmo di asambeho di e forma cu semper nan a wordo reconoci p'e...

Un solo presentacion, riba un solo anochi despues di mas di 15 aña, hopi di e integrantenan a bay coba den nan bahul di recuerdo p'asina tece esaki de un dimencion diferente pa diabierna awo Academy Brass... The Reunion muestra cu añanan por a pasa, pero nan lo keda pa semper e rey di reynan... kico lo pasa despues di e reunion aki, ningun di nan no sa y no por bisa nada ainda, aunke ta wordo specula cu nan lo sigui, pero esaki no tin confirmacion mes di esaki ya cu e set di drumnan no ta di nan y ta danki na diferente instancia y persona nan a logra sera e drumnan pa nan por ensaya y presenta diabierna awo.

Pa diabierna'nochi tur cos ta muestra cu tur expectativa lo wordo surpasa y cu lo tin un aglomeracion di hende hopi



grandi den e 'hot zone' di waf....

Pa bolbe riba Academy Brass nos a compronde for di esnan cu ta dirigi e brassband e seccion di brass ta den man di e legendario John Hessen cu no ta un figura desconoci den e mundo di Asambeho y e parti ritmico Didi Dirksz tin e timon fuerte wanta p'asina e palabra perfeccion keda prevalece. Despues di a "train/ensaya" pa 5 ocasion caba por bisa cu Academy a cuminsa haya forma y mucho mas fuerte cu 15 aña pasa.

Manera a wordo anuncia y

señala, e evento Mardigras Street Party ta diabierna 30 Januari, fecha programa p'e presentacion di Academy Brass "The reunion 2009" cu despues di mas di 15 aña ta bolbe topa otro pa un solo y unico presentacion.

Un anochi masha special pa wak, presencia y sinti Academy Brass "The King of Kings", un biaha mas den accion como e atraccion principal di e anochi di Mardigras Street Party cu lo conta cu Robert J'dor y solo banda, Dushi band, Impak, NBO, Youth Xtreme, BMW Plus, Tsunami, "2" Sweet y mucho mas, dos escenario y e ascenso pa drenta bahia, Sr. Frog's y Tequila. E banchi nan di entrada ya caba ta obtenibel na CD & More na Cumana, Underground Cycles riba boulevard, Ticket Plus na Playa, Bee Wear na Paradera y Gayo Rojo na San Nicolaas pa unicamente 20 Florin y na porta esaki ta 25 Florin.

Cu cada compra di un di e banchinan aki como entrada bo ta contribuyendo na 3 instancia / fundacion cu ta yuda di forma voluntario y caritativo den nos comunidad, hopi di e fundacionnan aki

ta traha riba nan propio forza y pesey e organisador kier a yuda e instancianan aki p'asina nan por draai di un forma mas tranquil nan proyectonan di e aña'ki.

For di aña pasa cu a cerca e fundacion / instancianan aki nan a haya e idea sumamente fabuloso ya cu nan ta semper dispuesto pa haci algo na bienestar di nos comunidad.

Y manera ya caba nos a redacta ensayo pa Academy Brass ta 'on' cu definitivamente tin determina pa duna un señor show agregando cosnan agradable na esaki, algo diferente... nan lo ta repasando riba nan piesanan cu a haci asina popular na Aruba, St. Maarten, Corsow y Europeo specialmente Hulanda.

Academy Brass t'e prome cu ta logra graba dos album riba disco compacto, sin papia mes di nan edicionnan graba y lansa riba cassette y DAT (Digital Audio Tape).

Didi Dirksz y John Hessen a selecciona un repertorio cu lo satisface tur esnan cu lo presencia nan show diabierna 30 januari den Weststraat, e evento ta incia ya caba pa 8'or di anochi.

